

'Pəlu'a "bəgə ɔ po'a FILIPUKOMU -jeyi

Wludie po'a nyɔ "bəgə -nɛɛ'ɛ -naagi 'li.

Filiipukomu 'ma-a Zezii'a nyu, 'unnu 'ɔ - dalbhoyi 'Pəlu po'o "bəgə -nɛɛ -jeyi. 'Le 'ɛ 'limu, 'je ʊn nu 'ɔ "lruli, 'le ʊn 'ye 'ɔ -kpa 'le 'ɔ siasiāa 'mu a, ɔ-ɔ 'po -u 'ɛ dı 'sɛɛ 'le ɔ-ɔ po 'u 'kpa "yi na ʊn -kpən Zezii "yi 'le ʊn -ke ɔ 'ke -na "kōmu. Lı-ı se'a 'kpu 'bhle, nyu-ʊ tɔ 'nı 'le 'wa "klumu, 'bho 'wa damu ʊn 'ke 'wa "bhi "yrili"du 'le ʊn -kuı ı kli 'kpa. -Ka ɔ-ɔ li'a 'bubua 'wa dı, nyɔ-ɔ 'gwɛ-ɛ 'na "yrili.

'Yewlu

I A-bu nyu-ʊ 'ma-a *Zezii *Kliist'a nyu-ʊ -nı'a Filiipugwlɔ 'mu 'le -u -ke ɔ "sisri'a "yi a, -lruu "du'a 'ɔ -gligba'a kwagbɔlitidemu 'le -lruu 'ye'a 'ɛ "lrutidemu -lruu "du a, 'inmɔ 'Pəlu -ke Timotee -nı 'sɔn, -a-bu 'ma-a Zezii Kliisi'a lbhuzemu, a'ba 'wee bhete gbo, -a-bu 'ye'e amu! 'Bho 'ɛ lemu a, 'inmɔ po'o amu wlu -nɛɛ -jeyi.

II -A'ba -tita -Lago -ke -a'ba -Koyi Zezii Kliisi -nı 'sɔn -wunna amu "niti 'le ʊn 'ke amu -pəlu'a bhlubhlua "nyı!

Dikmeɛ 'Pəlu -tɔ'ɔ Filiipukomu -bodi

III A -gblee, -bho 'ın -ka 'gwluti-ipopo 'le 'an - pəlu 'ke amu "yi kpa a, 'in-ı 'po-o a'ba dı -Lago 'sɛɛ "kōmu.

IV 'Le 'an *-Lago'c wongbopowlu 'wee 'mu, a -ni kle'se 'nyni'a bo 'le. 'In-i nu -ε'o "kōmu 'le 'bubua 'mu.

V Le-ε 'bhle'a 'nyni -ε -ke dī 'in-i nu'a 'na a, 'nne 'mo-o, -ε 'nyaa'a -nco -ke ti a -de -ni'a *Zezii *Kliisi "gwli 'le ε 'ye'a -zian "kpi bhla, a-bu -kpa'a 'nmu 'le 'in 'ye 'c "dizigl kpa.

VI A 'ye li-ɔ, 'in yibo'o-o na, -ka a -de'a 'le 'c "dizigl 'mn'i 'li ti, ε-be lbhvzege -Lago "du'a wɔn 'le a'ba -polu 'zɔ, c-c 'ye -ε "yi-gwe -mu -tanyike-c 'le 'c -zidle'a -nco 'ke nyni.

VII A -gblee, ε -nmc'c-c "yrili, -ka a -die'a 'mu, 'in 'ke -kaa a'ba dī -kma, -ekedimaa, a -nmc'c-c 'le 'an 'lmu ti 'wee. A 'ye li-ɔ, -Lago 'nu-o 'inmu -zege "lruli 'le c 'ye ε a-bee -bodi nu -lreε. "Traamu 'tɔ c, 'in -ke a 'bhεε'ε-ε 'c "nitiwønnasv -lue 'mne 'mu, -bho koo ε -ni, 'c "dizigl a kpanamu 'le a 'ke 'inmu -kpa. -Bho ε "du "yri -ke "yi 'in -ni'a -jie 'mu 'traamu'a "bhuo a, 'le, -bho ε "du 'an -zidle'a -nco -ke ti -da 'in-i za ni'a Zezii'a dī 'mu 'bho nyu'a "yigbeyi na i-i 'mo-o -ziadī, a 'ke -kaa nu.

VIII -Ka 'an -polu'a kle ti 'in -kma'a a'ba dī tenyi "fia 'wee, 'le, -ka ε-be dikmee 'mne 'wl'a Zezii Kliisi 'mu, -Lago yibo'o -ziadī mo'o.

IX A -gblee, bhadewlu 'in-i de'a 'bho -Lago'c "yigbeyi ti a'ba dī, 'nne 'ka-a: 'In na, a -bonyunu'a 'tu a 'bhle'a 'mu, ε 'kpa "kpi 'le a 'ke dī kikma tenyi! 'Le, -bho a -ka -kaa-a nu a, a 'ke -ziadī a -zegenε yibo, ε -ke "nyinynili-e -zigt'a 'muticreka yibo -lreε.

X -Bho ε -ni -kaa a, 'lotu'a "nynuu-a, "lemnii, ε-ε -nmc'c "yrili 'bho -Lago'c "yigbeyi, a-a yibo

nε-o'o. 'Le, 'bho Kliisi'a -zidle'a -nco "yi, a'ba -pɔlv 'ke pepe -ni 'le nyɔ -see 'bhεε yi ɔ 'ke amu dı "yikpa.

XI 'Le, 'bho 'ɛ lemu, a'ba kpli 'ke "yrili-nmɔ. 'ɛ kplitu, Zezii Kliisi'a "bhuo 'ke amu 'ɔ wɔŋkuε 'mu po 'le a 'ke ε nu. 'Le nyu 'ke -Lago'ɔ 'nyni "yi'bheε tenyi.

*Le-ɛ 'bhle'a 'nyni, 'inne 'mo-o, *Zezii *Kliisi 'ke nyɔ'c' tiniε "kpi 'piple*

XII A -gblee, 'lotu'a "nynuu-a, -ka ʊn po'a 'inmu -jie 'mu 'le ʊn 'ye'a 'inmu -zidle -tu, a yibo nι-o'o. 'Bho 'ɛ lemu, 'in 'ybha-o'o a 'ke yibo -lreεke na nyutɔlv 'bɔ 'ko-o ti, *Zezii *Kliisi'a "dizigi'a kpakpalbhv 'in-i nu'a a, ε 'ke 'kι ti-nyna 'le 'an -jiemυροε 'mne 'mu, 'le ε -see ti-nyna, ε-ε 'kpa'a "kpi "kɔmυkɔmu.

XIII 'ɛ dı 'bhlukpayowli'a "sroja'a kle -ke nyu -lrυv yibo'o 'in-i 'nu-o Kliisi'a lbhv'a dı 'in -ni'e -jie 'mu.

XIV 'Bho 'ɛ lemu, 'lotu'a "nynuu'a -dadudu -ke -a -ni'a -a'ba -Kɔyi Zezii 'mu, 'an -jiepadı -see ʊ 'kpi "yiti-wa, ʊn -ce'ɛ-ɛ "yrili, -sianyi'a 'lbhv ʊ 'tɔ 'le ʊn-ʊ kpa'a -Lago'ɔ "dizigi -pɔlv'a kle ti.

XV-XVII A 'ye li-ɔ, nyutɔlv-ʊ 'za-a Kliisi'a "dizigi 'mnı 'le -pɔlvzegε 'mu. 'Wa nyutu-u 'nu-o -kaa 'le ʊn -kma'a 'an dı. ʊn yibo'o-o -lreε -ka 'in -ni'a 'bho, 'le, -ka -Lago'ɔ "dizigi "du'a -ziadı, 'in 'ke 'na nyu -tɔ. ε -ni'a -kaa 'mu a, nyu -lrυv-ʊ 'za-a ɪ-bı "dizigi 'mnı 'an "mυnyninυkamu 'le ɪ 'bhle'e depoε kli. ʊ-bv nyu 'mnı gbo a, 'wa "bhi'a dı ʊn-ʊ zi'o, -naagı ʊn 'bhle'a, ɪ se "yrili-nmɔ, 'le, 'nco

'in -ni'a -jie 'mu, un 'bo'c ti un 'ke 'inmu "wibhu 'mu 'cnaa.

XVIII 'Mna gbo, 'ya 'wee'a -nyna 'inmu ka. -Bho 'wa -naagl -nm̩o "yrili o, -bho ı se "yrili-nm̩o o, 'le 'mna gbo, Kliisi'a "di ba-o'o. 'E di 'in-i li'e 'bubua 'le 'in-i 'ye ε -li mu -lrεε.

XIX 'Le 'ya 'wee 'mu a, a-a 'po-o 'an di *-Lago wɔn gbo "kɔmu, 'le *'ɔ Lisaazuzu-u kpa'a 'inmu 'le le "o le 'mu'a di, 'in yibo'o 'le ı-bi sıasiaalı 'mni'a 'wee 'mu 'in-i 'ye-e "yifloε 'ye -mu.

XX A -gblee, le 'in -ni'a wɔnfuonamu 'le 'in de'a -pɔlv "yi, 'inne 'mo-o, le -ke dñ 'ka 'inmu 'lbha 'bho Kliisi'a -jolu -ke "yi 'in -ni'a a, ε -see -ni yi. 'In-i 'ye-e "yrili-ce -mu 'le 'in 'ke 'ɔ di 'mu-za 'bho nyu'a "yigbeyi, 'le, -bho 'in -ni ti o, -bho 'in se ti-ni o, 'an kpli 'in -ni'a ti 'bho -jolu 'mne "yi, ı 'ke 'ɔ 'nyni "yi'bheε "kɔmu.

XXI 'Le 'mna gbo a, -bho 'in -ni ti, ɔ 'ke 'an tinie 'mne "kpi 'piple'a di mo'o. 'Le, -bho 'in 'me ε, -mneε'ε "bhuo -nm̩o'c "yrili, ε 'ye 'nɔɔ 'kmu 'mu'a tinie -zi. Tinie 'bho -Lago'c "troli, 'inne 'in 'ke 'mu-ni "kɔgwleka.

XXII 'E di 'in 'ybha'o 'in 'ke 'me 'le 'in 'ybha'o -lrεε 'in 'ke ti-ni -bhla. -Bho 'in -ni -bhla ti a, lbhu-v 'ka nyu -kpa, 'inne 'in 'ke nu. -Bho ε -ni -kaa, 'bho ı-bi di 'son 'mni'a damu, -bho ε "du 'ki 'inmu 'ke 'ki 'bho -lue -za a, -ye 'in 'ke 'ka 'bho -za, 'in se ε yibo.

XXIII A 'ye li-ɔ, 'bho ı-bi di'a "yrikpi 'son'c "kpi 'an -pɔlv jijri'e-e 'mu. I -ni'a -kaa 'mu-ɔ, -ye nu'a 'inmu 'tu tenyi, 'inne 'mo-o, 'in 'ke 'me 'le 'in -ke Kliisi 'ke -dalue -ni. -Mneε -nm̩o'c-ɔ "yrili 'le ε 'ye 'nɔɔgbε'ε tinie -zi.

XXIV A -gblee, 'le -Lago 'ke 'wɔn 'le ɔ 'ke 'an 'wɪ "kpi po a, ε -nmɔ'ɔ-ɔ "yrili -lrεε a'ba dı 'le 'in 'ke amu -kpa.

XXV Kın! 'In yibo'o-o 'le 'an -pɔlv gbo 'in -see -bhla 'mɛ yi, 'le 'in 'ke 'le a'ba "klumv -ni 'le 'in 'ke amu 'kpa "yi po, 'le, Zezii Kliisi'a -jolv -ke "yi a-a na'a, a 'ke ε "Iru-mu, a'ba "gwlideε 'ke 'mvku 'le ɔ 'mu 'le 'ɛ 'bvbua 'ke amu 'lbha.

XXVI -Bho ε -ni -kaa a, -bho 'in 'wlv -jie 'mu, -da 'in -ke a-a 'ye'a -dalue ti-de mu -lreeka, 'an dı a 'ke 'ɔ 'nymi "yi'bheε tenyi.

*A 'ke 'kle 'ye *Zezii *Kliisi'a di*

XXVII A -gblee, le 'in 'ka amu -bodi 'mu-za, 'inne 'mo-o, *Kliisi'a "dızığı a 'wɔn'ɔ 'bɔ ɔ, -ka ε 'le'ɛ, a -na -kaa! -Mnu, -bho 'in yi 'le amu gbo 'le 'in -ke a 'ke 'yıye o, -bho 'in se 'le a'ba "klumv -ni 'le 'in 'ke a'ba "dızığı 'bu'wɔn o, -ka a kpukpvn'a ti, 'le, -pɔlv -lue 'tın 'mu, a-a kpa'a 'ɔ "dızığı 'le nyu-ɔ 'wɔn'ɔ tı-bı -tötöli 'mnı, 'in 'ke tı yibo.

XXVIII 'Le, a'ba jekamu -mnvv -bodi a, -bho koo vı -ka nu, 'wa -sianyi'a 'lbha amu -le tukutuku! -Bho vı -ke 'ɔ "dızığı 'mnı -ka -kaa "yidede a, -bho 'wa -sianyi'a 'lbha amu a, 'inne tɔ'o -ka vı -ni'a 'le "mamajolu "yi, 'le, a-bee -mnvv -bodi, ε-ε tɔ'o -ka a -ni'a 'bho 'pvnpvn'a -jeyi. Ε-be 'mu'yibole 'mne 'wlv-o -Lago 'mu.

XXIX A 'ye li-ɔ, a'ba Kliisi'a "gwlideε, -Lago'ɔ "bhuo-o nu 'ɛ amu -bodi. 'Le, 'kle -ye a-a 'ye'a 'ɔ dı -lrεε ε, 'ɔ "bhuo-o nu tı'o "fia 'wee, tı-tı 'mo-o a'ba -zεge.

XXX -Ziaka, 'ka-a a'ba dı -ni'o. A -gblee, 'kleyeeε 'in 'kpa'a wɔn 'ɔ dı, a 'ye -ɛ'o, 'le, ε-be 'kleyeeε

-lue 'mne, -ka 'in-i 'kpe 'ε wɔn -bhla, a 'ye 'na 'bu'wɔn. 'Traamu 'tɔ o, 'inne a-bee -mnvv'a ''bhi 'kpa'a wɔn -lreεε.

II

*-A -ya -a'ba "bhi 'zɔ *Zezii *Kliisi'a ka*

I A -gblee, -bho a -ke *Kliisi'a "yisisrie po amu 'kpa "yi, -ka o -kma'a a'ba dı 'le a-bee -mnvv kikma'a -kikma dı, -bho ε po amu 'kpa "yi -lreεε, 'le, -bho a -ke *-Lago'ɔ Lisaazuzu'a "yisisrie -ke a'ba "bhi'a tikpukpueen po amu 'kpa "yi "bhalreεεke, -bho a'ba 'limu nınmɔ "kpi wɔn, -bho a -ka ngaze-e 'yıye a,

II "lemnıı, a kikma -kikma dı "kɔmu, 'le a 'ke -naagi -ke -polu -lue 'bhle "kɔmu! 'Le, 'bubua 'in-i li'a a'ba dı, ε 'ke 'tɔ "yi'bhe tenyi.

III 'Le a'ba nınu kpli 'mu, a'ba zi a'ba "bhi'a "se'ε dı -le, a'ba 'bheε a'ba "bhi "yi -le! Le a 'ka nu a, 'inne 'mo-o, a -ya a'ba "bhi 'zɔ, 'le a 'ke a -bonyunu "yi'bheε, ε 'ke a'ba 'bhi -zi.

IV Nyɔ'ɔ zi 'c "se'ε -zegε'ε dı -le, o zi 'c -bonyunu'a dı -lreεε!

V *Zezii Kliisi'a -polu o 'bhle'a a, 'ε -polvutu a'ba 'wee 'ke 'bhle:

VI A -gblee, -ka -Lago 'bhe'ε "yi 'le o -ko'ɔ li 'wee, -ka -lue 'mno 'ka-a o -ni'o -lreεε. ε -ni'a -kaa 'mu a, o -see ti'bɔ o 'ke 'biklagba 'mne "srii klapaa,

VII 'le o 'ye ε "yiti"tayi, o 'ye 'c "bhuo 'zɔ -ya -plεεεn!, o 'ye 'co'n 'kmu 'mu yi 'le o 'ye nyunyɔku 'mu'luo. -Ka nyɔ'-ɔ 'wlu'a, 'ka-a o 'wlu'o -lreεε 'le o 'ye 'co'n 'kmu 'mu -a-bu nyunyu'a "klumu -ni.

- VIII C -ya'a 'ɔ "bhuo 'zɔ ɔ, ɔ "du-o 'bho -Lago. 'ɔ-Lago'ɔ 'bhodueɛ 'mne mu-o'o ε 'ye 'ɔ 'memɛɛ "kpi bhla, -ka, -bho 'gbokobhleyi 'me 'bho nyvyrilbhaatu "yri ngazeka, 'wa 'lo 'ɔ le, 'ε "nyinynimemɛɛtu ɔ 'wɔɔn'ɔ.
- IX 'Inne 'bhle'e 'nyni'a dı a, -Lago 'bheɛ 'nɔ "yi, ɔ 'ye ɔ 'nyuniklagba "kpi po, 'le ɔ 'ye ɔ 'biklagba "nyi 'le ɔ 'ke li 'wee -ko. 'Nyni-i 'bheɛ "yi -ε zi'a 'nyni 'wee, 'ε 'nynitu ɔ "nyi ɔ'o.
- X 'Ka-a ε -ni'e 'mu'a dı a, nyu 'wee -Lago -ya'a ti 'le yaku 'li o, -daa 'bhlukpa "kpi o -ke 'memu -ke "bhi-i -ni'a 'le glu o, 'le un 'ke Zezii'a 'nyni 'bu'wɔn ɔ, 'wa 'wee, un 'ke 'wle 'mu yi 'bho 'ɔ "yigbeyi 'le un 'ke ɔ bvbɔ,
- XI 'le un 'ke 'ɔ 'nyni "yi'bheɛ 'le un 'ke na, Zezii Kliisi, 'inno 'mo-o li 'wee'a -Koyi, nu. - Bho un nu -kaa a, "lemoni -a'ba -tita - Lago'ɔ 'nyni-i 'ye-e "yi'bheɛ -mu -lreɛɛ. 'Bho Zezii'a leyinco ti, 'bho-o 'ya l̄tu 'ke -nu-ɛ -ni.

*Nvnu kpli *Zezii'a nyu 'ka ti-ni*

- XII 'Ka-a ε -ni'e 'mu'a dı a, 'an dukmalotu'a "nynuu-a, -Lago'ɔ wlu'a 'muzayi 'in "du'a dı a "du 'bho 'inmu! -Da 'in -ni'a 'le a'ba "klumu a -ni'e-e 'ε kpli ti 'le a-a "du'o 'bho 'inmu. "Yri - ke "yi 'in se'a 'bho -ni a, a nu -kaa 'komu! 'In na, a 'pun-o'o 'bho -Lago'ɔ "yigbeyi. 'Ε dı a kuku 'muti, 'le, kpliziḡi nyɔ-ɔ 'pun'a 'ka nu a, a 'ke i nu! -Bho a -ki i-i nu a, a "du 'bho -Lago 'le a 'ke 'ɔ -sianyi ku 'muti 'bhle, a 'ke a'ba "bhi "yrili"du 'le a -kaa 'ɔ lbhv 'mne nesre -ni.

XIII A -gblee, 'ɔ "bhuo-o nu ε'o 'le a'ba -polu gbo a 'ke ε 'bhεε. 'Inne 'mo-o, ɔ-ɔ nu -ε'o 'le a-a 'wɔn'o, a-a nu'o 'ɔ 'gwludı.

XIV 'In-ı 'tmvv'o amv-ε, a "du a'ba "bhi "yrili, ı-bı 'ɔ lbhv 'wee a-a nu'a a, 'le a -kaa 'ε dı 'zotiwluwlu. A nu ı! A'ba -polu'a 'gble-ε 'mu -le 'le a 'ke ı nu -susueyi!

XV 'Le a'ba -polu 'ke -kaa 'ɔ "se "kpi -nı a, a -see 'bı li'bhe yi 'le a'ba dı 'ke "yrili-nmɔ, a 'ke 'ɔ "yreetızıgı "du. 'Le 'nɔo 'kmv 'mu'a nyv -ke "klumv a -nı'a a, vñ se "yi'srεε 'le 'wa kpli -nyni'e "yrili. 'Ε dı a, -ka 'cudrı-ı fan'a 'le yaku "yi 'le ı-ı po'a nyv -jolv gbo a, 'ka-a a 'ke -nı v -bodı 'le a 'ke v *Zezii *Kliisi'a "dızıgı kpa,

XVI 'le vñ 'ke "kɔgwletinıε 'ye -lreε. -Bho a nu -kaa a, 'bho Kliisi'a leyinɔɔ 'yi, 'in-ı 'ye-e 'bεtε -wa -mu 'in 'ke 'bvbua li a'ba dı, εbe 'mne'ε kamv: -ka 'in -see'a bhebhelbhv nu, 'bho-o 'ε "yri'a 'bı-ı 'ye 'wlv -nı mu.

XVII A -gblee, -ka a de'a Zezii Kliisi "gwli, 'le a-a "du'a 'bho -Lagɔ'ɔ wlu 'le ε-ε bhla'a a'ba sıasıaa 'kpi a, ε kɔɔ'ɔ-ɔ -ka nyɔ-ɔ za'a *'sraga ɔ -bodı. -Ka nyɔ-ɔ 'wla'a nmɔ 'bho 'sragamuzanmi'a "kpi ti -tanyıke-ɔ 'le ɔ-ɔ ze 'ε 'sraga 'mu 'le ɔ-ɔ nynia 'nε -kaa "yi, 'le a 'ke Zezii "gwlide'a dı 'in sıa'o tenyi, -bho 'in 'me 'tɔ 'ε -kaabolbhvtu'a dı, 'ka-a ε 'ke 'kı 'mu-nı. 'Ε dı, -bho ε -nı -kaa a, 'bvbua 'ke 'inmu 'lbha 'le a'ba 'wee'a dı 'in 'ke amv "kpi'kpa 'le 'in -ke a 'ke 'bvbua -dalue -li -nı.

XVIII 'Le abu gbo 'ya a, 'lotu'a "nynuu-a, a li 'bvbua -lreε 'le a 'ke 'inmu "kpi'kpa 'an dı, 'le 'in -ke a 'ke 'bvbua li!

Kpanmvmalbhv 'bho -Lagɔjeyi

XIX 'Bho 'ε lemu a, 'lotu'a "nynuu-a, 'in 'de-e "gwli na ε -see 'mu-gwle yi 'le -a'ba -Koyi *Zezii 'ke 'wɔn 'le 'in 'ke Timotee lbho 'le a gbo. -Bho ɔ mu, 'le, a'ba "dι -ke ɔ-ɔ 'ye'a le -yi mu, ı 'ke 'inmu 'bubua "yi 'lbhaa.

XX A -gblee, nyɔ -yɔ 'ka 'ɔ ka -ni, 'in 'ka 'le a gbo lbho a, ɔ se -laa 'an "troli -ni, -bho ε -se ɔ -ni -lue 'tun, 'ɔ "se-ε popo'o a'ba dι 'gwlv̄ti 'le ɔ-ɔ 'bo'ɔ ti ɔ 'ke amu -kpa.

XXI Nyu -yu 'wla'a 'bho ti, 'wa "bhi'a -zegε'ε dι ʊn-υ zi'o. -Bho ε "du Zezii *Kliisi'a dι, 'wa dι se "kpi -ni.

XXII -Yɔ 'ma-a Timotee a, a yibo'o-o, nyɔzegε ɔ "du'o. 'In -ke ɔ -ni 'sɔn, -a 'ye gbobhete 'le -a 'ye Zezii'a "diziḡi'a kpalbhv̄ nu. 'Le ε-be lbhv̄ 'mna nvnamu, -ka "yu-u kpa ka 'ɔ -tita, 'ka-a 'in -ke ɔ "sisri'o.

XXIII A 'ye li-ɔ, -da 'in-ı 'ye'a 'an "kpidi 'muti'wɔn -ni mu "sikisiki, 'bho-o 'in-ı 'ye ɔ 'le amu gbo -lbho -ni mu.

XXIV 'Le 'in de'e "gwli -lreε ε -see 'mu-gwle yi 'le -a'ba -Koyi Zezii 'ke 'wɔn 'le 'mna-a'a "bhuo 'ke 'le a gbo yi 'le 'in -ke a 'ke 'ȳye.

XXV 'Le "yri -ke "yi -a -ni'a -laa, -a'ba 'lotu'a "yu Epafloodit̄ -mnɔɔ -bodi a, 'in 'de-e "gwli ε -nmɔɔ'ɔ-ɔ "yrili ɔ 'ke 'le a gbo le yi. 'E dι 'in-ı "nyi 'ɔ -jolu. ɔbɔ 'mno, 'inno a "nyi'e 'jemɔni, 'le a 'ye ɔ 'le 'in gbo lbho 'an -kpakpakamu 'le lı -lru 'mu obɔ-ɔ'ɔ "bhuo 'ke 'inmu -kpa -lreε. ɔ yi'a a, -ziaka ɔ 'ye 'inmu -kpa 'le 'in -ke ɔ 'ye gbobhete -a 'ye -Lagɔ'ɔ lbhv̄ nu, 'le -a 'ye "gwli-ku -a 'ye Zezii'a "diziḡi nyu -bodi 'mu-za.

XXVI A -gblee, -nɔɔ -lreε gbe 'li a 'wɔn-ɔ 'bo na 'ɔ

"lru 'bhati'o tenyi. -Ka 'o "lrubhatiwlü nyni'a 'le amu gbo, ɔbɔ-ɔ'ɔ "bhuo yibo'o-o 'na'a dı, ɔ -kaaa 'traamu "lrubhatibhlükpa "yi-i 'wlu a, 'ɔ -pɔlv - see bhlu ke. ɔ-ɔ 'bɔ-ɔ ti ɔ 'ke 'le a gbo le yi ɔ 'ke amu -pɔlv 'kpi ziza.

XXVII Kun! 'We 'kpvn -ɔ'o -ziaka. ɔ "taflɛ'ɛ-ɛ 'mɛmɛɛ 'le -Lagɔ 'ye ɔ ngaze 'ye 'le ɔ 'ye 'pvn. ɛ -se 'ɔ "sɛ'ɛ dı -ko. -Bho ɔ -see 'mɛ, 'mna-a'a ngaze -Lagɔ 'ye'o -lrɛɛ, 'le 'ɔ 'mɛmɛɛ -kaa 'an 'kleyeeɛɛ 'kpi po.

XXVIII 'ɛ kamu 'in-ı "titra'a li 'in 'ke ɔ -jolv "nyi, 'le, -bho ɔ nyni 'le a gbo 'le a 'ke ɔ 'ye a, 'bvbua 'ke amu 'lbha 'le a'ba -pɔlv 'ke bhlu. -Bho ɛ -ni -kaa a, 'mna-a'a 'gwlvtipopoe 'bho a'ba "kpi, ɛ 'ke "kpi-če -lrɛɛ.

XXIX -Bho ɔ yi 'le a gbo a, -ka nyɔ 'ka -a'ba -Koyi Zezii'a nyɔ kpvn, a kpvn ɔ -kaa 'le a 'ke ɛ nu 'le 'bvbua 'mu, -ekedimaa, ɔ 'mo-o 'bho -a'ba -Koyi 'mnɔ'ɔ -jolv "yi'a 'lotu'a "yuzegɛ. -Kaabonyu -nu'a -kaa, 'innuu a 'ke 'bho "du.

XXX A 'ye li-ɔ, Zezii Kliisi'a lbhv 'bhle-e 'nyni'a dı ɔ "taflɛ'ɛ 'mɛmɛɛ. A'ba "bhi se 'bhɛɛ a 'ke 'bho 'in gbo yi a 'ke 'inmu -kpa'a dı, ɔbɔ 'mnɔ', ɔ -see 'ɔ "bhuo'a tinie'ɛ dı zi 'le ɔ 'ye 'bho 'in gbo yi, ɔ 'ye 'inmu -kpa 'bho a'ba 'bi 'mu.

III

Kpli-i -ke 'mu nyɔ 'ka "yisrɛeyi "du -ni 'bho - Lagɔ'ɔ "yigbeyi

¹ A -gblee, 'lotu'a "nynuu-a, wlu 'in 'ka 'le a'ba -loku 'mu sie a, 'inne 'mo-o, -ka a -ke -a'ba -Koyi *Zezii "sisri'a "yi, a li 'na 'ɛ 'bvbua. 'Bho 'ɛ "kpi

a, wlu 'in -za 'ka 'mu, -bho 'in -ka 'bho 'ε "kpi le-e mu a, 'bho 'mna-a'a damu, ε -se le-ε -sia -ni 'inmu -ko, 'le, 'bho a'ba damu, -mnεε'ε "bhuo-o -nmɔ'ɔ "yrili, 'le ε 'ke amu 'kpa "yi po a 'ke 'ε "kpi 'gwlutipopo 'le a 'ke a'ba 'bhi'a di gba 'mu "du.

II A 'ye li-ɔ, nyu-υ -ni'a 'le a'ba 'klumu, -υ nyni'a -Lago'ɔ lbhu wɔn, -υ 'pεε'ε *klemvumue 'mu -υ nu'a 'ka-a nyo 'ke nu 'le ɔ 'ke "yisreεyi "du 'bho -Lago'ɔ "yigbeyi, 'bho 'wa damu a "du a'ba "bhi "yrili! Sin υn-υ ce'o.

III A -gblee, -a-bu "du'o -Lago'ɔ nyuzigι, -ekedimaa, *'ɔ Lissaazuzu -a 'bhle'e 'mu 'le -a bu'bɔ 'no -ka -zegεka. I-bi bhebheli υ-bu nyu 'mnu-υ 'pεε'ε 'mu, 'le υn-υ mu'a 'nyni, ibi 'mnı -abu se 'bhεε -a 'ke ı 'mu'pεε. Zezii *Kliisi -Lago -zi -ni'a 'mu 'le ɔ 'ye'a -amu "yisreεemu po 'bho 'ɔ "yigbeyi, Zezii 'mnɔ'ɔ 'nyni -a 'bhεε'ε "yi tenyi. 'Ε di, -a-bu "du'o -Lago'ɔ nyuzigι.

IV 'Inmɔ -ycɔ, -bho ε "du ı-bi bhebheli 'mnı, -bho 'in 'bɔ 'ki ti, 'in 'bhεε 'ko-o'o 'in 'ke ı 'mu 'pεε 'in 'ke 'nyni 'bhle 'ya di -lreε. 'Le, -bho nyu na 'ki ɔ 'bhεε'ɔ ɔ 'ke ı 'mu 'pεε ɔ 'ke 'nyni 'bhle 'ya di, 'mna -flo 'ko-o "yi 'in 'ke ε nu 'le 'in 'ke ɔ 'mu-zı.

V ε -ni 'ko-o -kaa, -ekedimaa, 'nɔɔ *Izrayeeɛlbhlukpa "kpi'a -gluu -lue-e 'bhle'a 'nyni υn-υ 'la'a *Bεzamεɛgluu, 'ε wɔnyi 'in 'wlu -ni'o. 'In 'wlu'a, 'ε 'wi -meetanzɔ, 'le 'in 'ye *kλε 'mu -kpe. Nyu-υ 'wlu'a 'inmu, -ka υn -die'a 'mu, *'Zuifu'aa ɔFa 3 5 'Wa 'nyni -lreε 'mo-o Eblee.plan'a "klumu 'in -ni 'ko'o.

VI A -gblee, 'le 'ya -kaabolı'a damu 'in 'yaa'a-a

'mvti 'le 'in 'ye Zezii'a -glıgbawonyi'a nyu nyani 'mu kla. 'Le, -bho ε "du -a'ba gba'a "yikpuen'ε dı, nyɔ -yo un 'ka 'inmu likpukpı -nı, o se -nı. 'E dı, 'wa nyɔ -lue 'tin se 'kı 'bhęe ɔ 'ke 'bho 'an da "du 'le 'ya damu.

VII -Tanyı 'kı a, 'le 'mna -bodu a, ı-bı lı 'mnı'a 'wee 'bhle 'ko-o 'nymı, 'le 'traamu 'tɔ o, Zezii Kliisi 'in yibo'a dı a, 'bho 'an "yigbeyi 'ya 'wee "du'o bhebheli.

VIII 'Kla-a mo'o -ziaka. I-bı tinıε'ε lı 'wee -ke dı nyɔ -ɔ 'bhle'a 'nymı, -bho 'in -gbu nı 'tɔ ya, bhubhuli ı "du'o. -Ka 'in yibo'a Zezii Kliisi 'le ɔ 'ye'a 'an -kɔyi "du, 'inne 'bhle'e 'nymı tenyi, ε 'ye ı-bı lı 'wee -zi. 'Ya 'wee, 'bho 'an damu, ı se 'tɔ 'nymı 'bhle. -Bho 'in -gbu nı ya, ı kɔkɔɔ'c-ɔ -yrukodu. 'E dı 'in -zi 'i kwa gbo 'le 'in 'ke ɔ -bɔ Zezii Kliisi yibo -ka -zegəka 'le 'in 'ke ɔ "srii 'kɔmu.

IX Kın, -ziadı mo'o. 'In 'bɔ-ɔ ti 'an -polı'a kle ti, 'le 'in -ke ɔ 'ke "yi"sisri "kɔmu. A 'ye li-ɔ, -tanyı 'kı a, 'an "bhuo'a 'mvtikukue'ε 'mvpesənamu 'le 'in 'ke -a'ba gba "yi-kpuı -nı, 'mna na 'kı 'inne 'ke 'inmu "yisrəeyi po 'bho -Lagɔ'c "yigbeyi. 'Le, 'traamu 'tɔ o, 'in yibo'o na, le-ε po'a 'inmu "yisrəeyi 'bho 'c "yigbeyi, 'inne 'mo-o 'in 'de-e Zezii Kliisi "gwli'a dı. -Lagɔ'c "bhuo-o nu ε'o ε-be 'c "gwlidee'mne'ε dı.

X 'Ka-a ε -nı'e 'mu'a dı a, 'in 'bɔ'c ti 'in 'ke Zezii Kliisi yibo -ka -zegəka. ɔ-bɔ Zezii 'mno -Lagɔ -za'a glu 'le 'memu'a "klumu, ɔ 'ye'a ti-nı -lręe ε, 'ε wɔnkuue-ε 'wlu 'c 'mu, -ka ε -nı'a, 'in-ı 'bɔ-ɔ ti 'in 'ke -kaa yibo -lręe 'le 'an tinıε 'mu. 'Le 'in-ı 'bɔ'c ti -lręe, -ka ɔ 'ye'a 'kle, 'in 'ke -kaa -nı -lręe.

'Le, -ka o 'mε'ε, 'ε -kaabolētu 'ke -nu-ε 'le 'an tiniε
'mu 'le 'in 'ke 'tō "nyinynidī'a nvnvdī 'bhō. 'Ya
'wee'a 'zō 'in-i 'bo'c ti 'in 'ke i 'muti'wōn 'le 'in
'ke i 'li ti-de.

XI 'Ka-a ε -ni'e 'mu'a dī a, 'mna 'bo'c ti 'an -
pōlv'a kles ti, -Lagō 'ke 'inmu glu -za 'le Zezii'a
leyinīcōti, 'in 'ke ti-ni "kōgwleka 'bho 'o "troli.

*Le -Lagō 'ybha'a -a 'ke "du, -a -see ε -bhla "du
ke*

XII -Bho 'in 'le -kaa, i-bi dī 'in 'ybha'a 'in 'ke
'liti-de, -ka 'in 'ye i ka see "fia 'wee, ε -se -kaa -
ko. 'Le, le -Lagō 'ybha'a -a 'ke "du, 'in -see ε -bhla
"du ke -ka -zegēka. 'Le, -ka *Zezii *Kliisi "luo'a
'inmu 'mu 'le o 'ye'a 'inmu 'c nyō 'mu nu a, 'ε
dī 'in-i po'o 'le 'kpi, 'le, -zīgi 'wee o 'ybha'a o 'ke
'inmu -bodi nu a, 'in 'ke i 'ye.

XIII-XIV 'Lotu'a "nynuu-a, 'in na, -bho ε "du
'mna-a'a "bhuo, -ka 'in 'ye'a ka i-bi -zīgi 'mnī
"fia 'wee, 'in -see -kaa 'le. Le 'in yibo'a, 'innes
'mo-o, -ka pleyi -ke 'c -boplemu-v mu mu'a li-i
nu'a 'le o-o po'a 'le 'kpi o 'ke nyni -tanyi 'le o
'ke 'nyni 'wlu a, 'ka-a 'in-i nu'o. 'E 'zō 'mo-o, -
da 'an -pōlv-v 'wla'a ti, 'bho-o 'in-i mu'o -kpayi.
-Bho 'in -ka mu a, 'an -gbu le. -Bho 'in -ka -kaa-a
nu a, le -Lagō -zi -ni'a Zezii Kliisi 'mu, o de'a 'bho
ti 'an dī, 'in-i po'o 'tō 'le-e 'kpi 'le 'in 'ke ε 'ye 'le
yaku 'li, 'bho 'o "troli.

XV 'Innes 'bhle'e 'nyni'a dī a, -a-bu -yu ku'a
"yriti 'bho Zezii'a -jeyi, ε -nmō'c "yrili 'bho dī
-nu'a "kpi -a 'ke -pōlv -lue 'tin 'mu'bheε. 'Le, -
bho a -ka -ka -lrōo-c 'gwlvtipopō 'bho i "kpi a, 'le
-Lagō'c "bhuo 'ke amu "yrikvū 'mu -flo 'bho 'ya
"kpi 'le a 'ke i 'wōon -lrεε.

XVI A -gblee, -bho ε -nι -kaa o, -bho ε se -kaa -nι o, lε-ε -nmɔ'ɔ "yrili -a 'ka nv, 'inne 'mo-o, lι -a 'cian'a -a 'wɔn'ɔ 'mvti -ka -zegēka 'le -a -de'a 'liti, 'le -pɔlu -lue 'mu -a kpa 'ya -jolu 'le -a'ba -nabhv 'ke -lue 'tun -nι!

XVII Kun, 'lotv'a "nynuu-a, kpli 'in -nι'a ti 'bho -Lagɔ'ɔ -jeyi a yibo'a a, -ka a -die'a 'mu 'wee a nv -kaa, 'le a 'ke 'le 'an 'bι -za! Lι -a -tɔ'ɔ amv -i -ke kpli -a -nι'a ti, nyv-v -nι'a 'ya kplitu ti -v na'a -kaa, a -gbv nv ya 'le a 'ke 'wa ka -na.

XVIII ε -se bhubhuyiti 'in 'le'ε -kaa -ko. Nyv'a -dadudu -nι'e 'bho-ε: -ka vnv-v nv'a, 'ka se "yrili-nmɔ. 'In -za'a 'wa "kpidi 'mu-ε kpe'ε -dadudu, 'le 'traamu, -bho 'in -ka 'bho 'ε "kpi le-e yi a, ε-ε ya'a 'inmu "mi "yri. U-bv nyv 'mnv'a -nabhv vnv-v na'a a, 'inne nv'o nyv -bodi na: -Ka Zezii 'me -nι'a 'bho nyvyrilbhaatu "yri, le ε-ε za'a 'zɔ, 'wa 'wɔnɔ nε tukutuku 'le vñ 'ke ε 'li ti-de.

XIX A 'ye li-ɔ, 'wa "nyinynikpli vnv-v nv'a, i -nι 'nv-v "kpi "kɔgwłeka. 'Bho 'kmv'a "tiinamv 'ya dι -Lagɔ-ɔ 'ye v -zidle -tu mu, 'le ɔ 'ke v dι -kpvn. A -gblee, 'le v-bee -mnv v gbo a, 'wa *'bhłvku'a 'tvnvdι 'ke v 'bvbva "yi 'lbhaa'a "se'ε dι vñ -nι'e ti. "Nyinynidι 'ke 'kv v dιn "yi 'lbhaa, 'ya dι vnv-v 'bhεε'ε 'wa "bhi "yi. 'Nɔɔ 'kmv 'mu'a lι'a "se, 'inno vñ zi'e gbo.

XX 'Le -a-bv -yvv, 'le yaku 'li 'mo-o -a'ba "bhli. *-A'ba 'Pvvnnyi, -a'ba -Kɔyi Zezii Kliisi, 'le-e ɔ-ɔ 'ye 'wlv mu 'le ɔ 'ke le yi -a'ba dι. 'Inno -a -nι'e wɔnfuonamv 'le 'bvbva 'mu.

XXI -Bho ɔ yi le a, -a'ba 'bhłvku -ε -ke dι -a 'fūn'a 'mu a, ɔ-ɔ 'ye -ε "yizizia -mu. 'Inne 'mo-o, Zezii 'mnɔ, -da -Lagɔ -zɔ 'ɔ glu a, lε 'ɔ ku -yi'a 'mu 'le

'ε 'mε'ε ε, -ka -lue 'mnə 'ka-a -a'ba nε-ε 'ye -nι
mυ. Ε -se bhubhuyiti ɔ 'bhεε ne -ko. -Lago "nyi
'ɔ wənkue 'le ɔ 'ke li 'wee -ko. 'Ε dı ɔ 'bhεε'o ɔ
'ke -kaa nυ.

IV

'Pəlv'a nyudimvduwlu

I 'Inne 'bhle'e 'nynt'a dı a, 'an dıkmalotu'a
"nynuu-a, a-bu -ke 'tυ-υ 'lbha'a 'inmu tenyi 'le
'an -pəlv-u 'wla'a "yiti 'in 'ke 'ye a, -ziadı mo'o,
a'ba dı-i 'lbhaa'a 'inmu 'bubua "yi. A-bee'a dı
'in 'ke 'nynt 'wlu -lrεε. 'Ε dı a, 'an dıkmalotu'a
"nynuu-a, a kuku 'muti 'le a -ke -a'ba -Koyi *Zezii
'ke "yi sisri -ka -zegəka "kɔmυ!

II 'Le -a'ba 'lotu'a "nynuunynυkpakpı -bodu a,
Evodii -ke Səntisi 'bhle'a jεjεε 'nyntυ, 'in-i
bhade 'nu-υ li tenyi υn -ybhe! -A'ba -Koyi Zezii'a
nyυ υn "du'o.

III 'Le -mnaaa'a "bhuo -lrεε, Sisigı, -inmɔ -ke
'in -na'a tenyi, 'mna-a 'po-o -inmu 'srυ: U-bu
'nyνkpakpı 'mnu, pa 'wa dı 'mu 'le υn 'ke -
ybhe! -Gblee, υn -nι 'son, Klemaa 'kpu 'υ 'kpi,
υn -ke nyυ -lrυυ -ke 'in nu'a -Lagəlbhu, 'wa 'wee,
'mutikukue 'mu υn -kpa'a 'inmu 'le -a 'ye Zezii'a
"dızıgı kpa. -Lago 'ɔ 'bəgv -ke 'li, nyυ-υ -nι'a ti
'bho 'ɔ "yigbeyi, 'wa 'nynt-i 'cnı-ε'ε, nyυ 'wee
'mnu'a 'nynt, 'le-e i 'cnı-ε'o.

IV -Ka a -ke -a'ba -Koyi Zezii "sisri'a "yi, a li 'na
'ε 'bubua "kɔmυ! 'In-i 'mu-o 'bho le, 'in na: A li
'bubua "kɔmυ!

V A "du nyυ-υ -nmɔ'ɔ kpli 'mu 'le nyυ 'wee
'ke 'na li'ye. A -gblee, -a'ba -Koyi 'mnu'ɔ leyinɔ
'kɔc'c-ɔ gbo.

VI 'Innεεne'ε dı a, -bho koo dı bhla amu "kpi, nymɔ'ɔ "si amu 'gwlu -le! 'Le ı-bı lı 'wee 'mnı 'mu, a po *-Lagɔ wɔn gbo "kɔmu! 'Le, -bho a -ko ɔ-ɔ libhade, a po ɔ 'sεε -lrεε!

VII -Bho a nu -kaa, -pɔlv'a bhlubhlua-a 'wlu'a - Lagɔ 'mu, 'le a 'ke ε 'ye. Ε-be -pɔlv'a bhlubhlua 'mne, le nyɔ 'ke ε likpukpaa -nı, ε se -nı. Ε-ε 'piple-e nyu 'wee'a -naagi "kpi. Ε -nı'e-e -kaa, 'le, a-bu -ke Zezii *Kliisi "sisri'a "yi, ε 'ke a'ba -pɔlv gbo "yi.

VIII 'Lotu'a "nynuu-a, le 'ın 'ka amu 'tmuu a, 'ın na, lı -ke dı a 'ka zi, 'innı 'ka-a: Lı-lı 'ma-a -ziadı, -ı -ke dılıkpueen-ε na'a a, -ı 'sreε'ε "yi, -ı -nmɔ'ɔ "yrili, -yı, -bho a nu a, 'le nyu -see'a 'bho a'ba da "du yi, 'le -ı -see'a a'ba 'nynı wɔn-nynı yi, 'innı 'mo-o, le"o le-ε 'ma-a -zegε, -ı -nmɔ'ɔ "yrili tenyi. 'Ya dı a 'ke zi 'le a 'ke ı nu.

IX A 'ye li-ɔ, -Lagɔ'ɔ wlu 'ın -tɔ'ɔ amu, a 'wɔɔn'ɔ, a "du ı 'bho, 'le, -ka ı 'lε'ε, a 'ke -kaa -na! 'Inne 'mo-o, -ka 'mna-a'a "bhuo-o "du ı 'bho, 'le a 'ye 'ı 'bu'wɔn ɔ, 'ya kpli a 'ye'a 'inmu li, a nu ı! -Bho a nu -kaa a, -Lagɔ "nyı'a nyu -pɔlv'a bhlubhlua, 'le ɔ 'ke amu gbo -sie "kɔmu.

'Pɔlv-ı 'po-o Filiipukomu 'sεε

X A -gblee, 'ın -ke -a'ba -Kɔyi *Zezii "sisri'e-e "yi'a dı 'bubua 'lbha'a 'inmu tenyi. 'Le ε -se bhebhe ε -nı -kaa -ko, 'le, -ka a kuku'a 'mvti 'le a 'ye'a 'tɔ 'an dı 'gwlu tipopo -lrεε, 'le a 'ye'a 'inmu 'jɛmɔni -ya 'le 'ɔ 'nynı 'mu, 'ε dı mo'o. 'Le 'ın yibo'o na a 'bɔ 'ko-o ti see a 'ke ε nu, 'le, -ka a 'ke ε -nyna, a se -ka 'bhle.

XI -Bho 'in 'le -kaa a, ε -se le 'in se'a 'bhle, 'ε 'tv-υ 'lbha'a 'inmu, 'ε dι -ko. A -gblee, 'bho 'mna-a'a damu, -ka -a'ba -Koyi -tɔ'c 'inmu, 'ka-a 'ka-a: -Bho koo ε -nι 'mu, le ɔ 'ka 'inmu "nyi, -bho koo ε -die 'mu, ε-ε 'nyni-e 'inmu "yi.

XII -Bho "puan'a "bhuo 'lbha 'inmu, -ka 'in 'ka nu a, 'in yibo'o-o 'na. 'Le, -bho ε se 'inmu 'lbhanamu -nι, -ka 'in 'ka nu a, 'in yibo'o-o 'na -lreε. -Bho koo ε -nι 'mu, -bho 'in 'ye lile o, -bho 'in se ε 'ye o, -bho 'in 'ye li'a -dadudu o, -bho 'in -see le 'ye o, -Lago -tɔ'c 'na 'inmu-ε'ε dι, 'an -polu bhlu'o 'le 'ya 'wee 'mu.

XIII A -gblee, Zezii Kliisi "nyi'e 'inmu 'mutikukuε, 'inno nu ε'o 'le 'in 'ke i-bi siasiyalı 'wee wɔnyi'bheε 'in 'ke i "kpi 'ya.

XIV ε -nι'a -kaa 'mu a, 'le 'an siasiaa 'mu, -ka a -see'a 'inmu "yriti-po 'le a 'ye'a 'inmu -kpa a, lezegε a nu'o.

XV Filiipukomu-a, a'ba "bhi yibo'o-o na, -da a kpa'a Žezii'a -jeyi -lreeka, -da 'in 'wlv'a 'le a'ba 'fɔ gbo Masedvanibhlukpa "kpi 'le 'in 'ke -Lago'c "dızığı kpa a, -gwłɔ -lreε 'mu'a Zezii'a -glıgbawɔnyi'a nyu-υ 'ka 'inmu 'jemɔni "nyi, 'wa nyɔ se -nι, -bho ε -se -yi a'ba "se "nyi'a 'inmu, 'inni 'in 'ye'e.

XVI 'Le, 'in 'wlv'a 'le a "bhlifɔ gbo, ε se'a 'mu-gwle ke a, 'le 'in -nι'a -bhla Tesalonikıgwłɔ 'mu a, mɔni'a dι "sri'a 'inmu "yi, kpe 'son "bhuoka a -po -nι'e 'inmu 'jemɔni -jeyi 'in 'ke li.

XVII A -gblee, ε -se -zığι -yi a nu'a 'inmu "lruli'a 'tv-υ -zi 'inmu -ko. A'ba "bhi'a dι 'in-i zi'o. 'In 'ybha-o'o a -ke Zezii 'ke -na "kɔmu, -zığι ɔ 'ybha'a, 'le a 'ke i nu. 'Le, -bho a nu -kaa, -Lago

'ke amu "niti-wunna "kɔmu.

XVIII A 'ye li-ɔ, a'ba 'jɛmɔni-i 'bhcc'ɔ gbo 'mu a po'a 'inmu -jeyi, 'in 'ye -t'o -lreεε. I -die'e-e "yi tenyi, i 'nyni-e 'inmu "yi -ka -zegεka. Epaflooditı -ke i yi'a, 'ya dı 'in 'bhle'e 'tɔ le kwa 'mu. 'Le, ubı 'mnı a "nyı -nı'a 'inmu 'le -pɔluzege 'mu, i kɔ'ɔ -Lagɔ'ɔ *'sragalı -i po'a ngnezege. 'ɛ 'zɔ 'mo-o, 'jɛmɔni 'mnı, -Lagɔ a "nyı i'o. 'Le, lı 'wee a-a "nyı'a -Lagɔ, i-nı nu c 'tu.

XIX 'Ka-a a nu'o 'inmu -zegε -bodi. -A'ba -tita -Lagɔ -ke lbhv 'in-i nu'a a, 'inno 'bhɛ'ɛ "yi 'le ɔ -kɔ'ɔ lı 'wee'a dı, ɔbɔ 'mnı, 'inno 'ye amu -kpa mu -lreεε, 'le, lı-i "sri'a amu "yi, ɔ 'ke i amu -bodi nu 'wee. Lı o-ɔ "nyı'a -amu -a'ba Zezii *Kliisi'a "gwlidekamu, 'inno 'in-i "si'e 'nyrı.

XX 'Ka-a ε -nı'e 'mu'a dı a, 'ɔ 'nyrı 'bhe "yi "kɔmułkɔmu 'le -nɔɔ"o -nɔɔ 'li! *ɛ -nı -kaa 'mu!

XXI 'Lotu'a "nynuu-a, 'le'a Zezii Kliisi'a nyu 'wee, 'inmɔ 'ye 'u! 'Lotu'a "nynuu -nı'a 'nɔɔ 'an "troli na, u-bu 'ye 'u -lreεε!

XXII 'Le 'ɔ -nu -ke 'in -nı'a 'nɔɔ, -u nu'a 'bhlvukpayowliklagba'a lbhv, un -ke 'ɔ nyu -lruu-u -nı'a 'nɔɔ, un na u-bu 'ye'e amu -lreεε!

XXIII -A'ba -Kɔyi Zezii Kliisi 'mnɔ -wunna amu "niti!

-YBHEYBHETITELRE

**Nyabwa: -YBHEYBHETITELRE New Testament
Nouveau Testament de Nyabwa**

copyright © 1991 Wycliffe Bible Translators, Inc.

Language: Nyaboa (Nyabwa)

Contributor: International Bible Society

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

7657d3f5-7539-5138-b61f-b1ee280646f9